

宋朝大詔令集

宋朝大詔令集卷第四十二

宗室二

封拜二

皇叔允初開府儀同三司檢校司空同中書門下平章事

德軍節度使加恩制

嘉祐八年四月十二日

門下承祧繼體所以正神器之傳建屏疏封所以隆磐石之故興言涼德獲奉丕基矧踐祚之始初有推恩之典故蓋申孚號庸示眷私皇叔推誠保順守正翊戴功臣感德軍節度耀州管内觀察處置等使特進檢校尚書右僕射使持節鄜耀州諸軍行軍耀州刺史兼御史大夫上柱國天水郡開國公食邑六千九百戶食實封一千八百戶允初時之懿親屬在仲父淳固之性得之自然明清嚴修介乎無撓惟先帝之甚愛在沖人而敢忘改領軍麾升服公衮進階遷秩陪賦

衍封於戲藐爾孤莠未堪多難尚茲信睦於變時雍惟宗吳彌懋於  
遠猷庶前烈愈光於來裔可

皇伯允弼檢校司徒兼中書令護國軍節度使東平郡王

加恩制

嘉祐八年四月  
十二日同上

門下國家膺累聖之圖成中天之運重惟菲德之嗣惕若先猷之承  
仁恩滂于萬方親厚始於九族有如伯父竇曰賢王宜因涓日之嘉  
誕布告度之渙皇伯推誠保順同德亮節守正翊戴功臣武寧軍節  
度徐州管内觀察處置等使開府儀同三司檢校尚書左僕射兼侍  
中行徐州大都督府長史上柱國北海郡王食邑一萬四千戶食實  
封三千八百戶允弼氣和而履順資正而行恭源流發於天淵本支  
茂於邦幹推河間之學務勤詩禮之備蹈宣父之言思長富貴之守  
服我文考冠於內朝以宣夾輔之勤以董宗盟之事帥壇命節既專

仗鉞之行帝蹕陪輿又寵冠蟬之飾肆紹休於丕緒首旌德於茂親  
進階右相之尊視扶三卿之貴尹虞郊之舊俗裂汶土之典封益以  
爰田衍之真賦褒隆邦錫美協師謀於戲念祖宗之基固起艱難之  
迹維骨肉之分敢忘教睦之懷勉迪順猷永綏多福可

皇伯允弼授依前東平郡王加食邑實封賜功臣制

治平

門下朕來初陽之序建大祀之儀親祫宅主始見清廟夙駕爵路肇  
裡紫營有昊博臨賜朕純嘏於時日景溫霽坤倪肅清遠獨熙事之  
成放後茂親之獎皇伯其官某性端謹忠體函忠醇丕擁皇支之祥  
倬為藩戚之表量我宗正爰惇叙族之賢昨之東平蓋符樂善之美  
此先帝之加遇而沖人之用欽會華玉之展祠被溫貂而在位未有  
神明接而福吳享親賢隆而牧靡尊是用享慶第勞集功錫號時其  
多邑衍以真祖華為寵章以渙惠衍於戲躬天地之報既靡靈顧之

私廣骨肉之恩用爲人倫之愛往紿吉祿永懋休聲可

宋僕除使相制 治平四年五月庚子

朕膺符赤伏之靈繼序炎精之烈圖本支之盤據倚形勢之扶維繫  
我宗藩推尊帝室雅懋帥旄之寵未參公衆之華乎告大廷誕敷願  
命皇伯彰德軍節度相州管内觀察處置等使金紫光祿大夫檢校  
右散騎常侍使持節相州諸軍事相州刺史兼御史大夫上柱國濮  
國公食邑三千四百戶食實封六百戶宗樸器涵庶靜德履端純舉  
島望以高鶩奮雅才而獨秀玉符傳瑞拜之上將之壇金輅啓封  
以先王之國載涓剛日特峻彝儀秩典揆路之榮位協宰廷之貴衍  
珎真實增煥隆名於戲盟載冊書尚推同姓之長賜均寶玉况如伯  
父之尊立愛自親承流及遠揚成美化勉著休聲可特授檢校尚書  
左僕射同中書門下平章事使持節相州諸軍節度相州刺史濮國公

充彰德軍節度相州管内觀察處置等使加食邑七百戶食實封三百戶

皇伯祖承亮授檢校工部尚書榮國公感德軍節度使加食邑實封制

門下蓋同興建土遂膺年麻之長秦失寵侯靡復藩維之後此國家所以監用往制封榮茂姻以夾輔於王家以懷柔於天下肆膺皇緒渙舉丕彝皇伯祖具官某躬耆德之英被忠訓之厚曾無卑服珍寶之玩固有詩書道術之明稽帝堯之仁疇光骨肉之變顧秦悼之後不減祖宗之蕃自居留務之榮浸廣皇支之譽按戊午之新澤合南陽之近親華萼承附旌樂和於列邸犬牙交壤寄雄峻於帥旄既衍爰田之封又陪真食之入助建大統圖繫老成於載積厚者流長雖本神明之祚德隆者壽重况如宗族之賢均履多祥勉欽渥命可

皇伯宗諤授光祿大夫檢校尚書左僕射同中書門下平  
章事視國公集慶軍節度使加食邑實封制 神宗即位

門下朕纂臨丕基欽萬前烈蓋義尊序祖愛因隆於六親治刑於家  
風遂行於四海通緣曠澤先暨皇支皇伯具官某罷介而用通體莊  
而資裕多裕天下之誼盡讀河間之書考潤邸之藩誰及宗英之望  
追濮園之舊實猶子愛之深比旌拜於師壇允夾隆於王室慶屬皇  
圖之啓惠加同姓之褒其股大僚以即台路易以近藩之節陪之多  
邑之附雖本與恩亦稽先矩於職唐封近屬惠留京師之居漢寵諸  
王少在公卿之列維是高華之保莫如法度之脩矧屬英懷詎煩至  
戒可

皇伯宗模授光祿大夫依前檢校尚書左僕射同中書門  
下平章事充彰德軍節度使加食邑功臣制 熙寧郊

門下郊廟大事也禮莫或於躬行天地一功也義蓋尊於合祀朕盡  
奉先之孝嚴反始之文既獲能饗之名以要三神之願又膺無窮之  
祉以決四海之歡矧我茂親敢稽渙命皇伯其官某德莊而氣粹性  
靖而量夷系出帝者之本支多閱天下之義理慕二獻之學自樂詩  
書之閑聯三事之榮靡格富貴之守屬系宗之業序即圉丘而昔裡  
績佩無諱夙助齋居之恪明疊致潔屢陪獻禮之升維釐事之肅成  
方勞恩之誕舉雖無崇鼎分範之錫亦有濮田多井之加既並號於  
功臣復進階於文散以華邦族以變民雍於戲聖人因親必膺同宗  
之愛賢者奉祭宜蒙百順之休其迪善猷永有吉祿可

皇伯宗旦除崇信軍節度使制

熙寧二年九月

舜叙九族之親實先慎厚周封同姓之國遂底威彊眷言近屬之尊  
稽用前王之故庸加優拜誕告治朝皇伯鎮漢軍節度使觀察留後



金紫光祿大夫檢校右散騎常侍使持節華州諸軍事華州刺史兼  
御史大夫知大宗正事上柱國天水郡開國公食邑五千一百戶食  
實封一千七百戶宗旦德度是夷才賢兼茂襲世緒而克篤其慶處  
貴胄而不流厥心而自表正宗藩居留後鎮聞天下之理益為精明  
推門內之恩見稱友睦爰舉陟明之典遂旌樂善之風自漢以東惟  
隨為大楊之瑞節行以真封考于舊章時曰異數於戲孟戒者處罷  
之道鮮矣者惟約為然往其欽哉以永終譽可持授依前檢校右散  
騎常侍使持節隨州諸軍事隨州刺史兼御史大夫知大宗正事崇  
信軍節度隨州管内觀察處置等使加食邑七百戶食實封二百戶

皇伯祖承亮特授依前檢校工部尚書光祿勳軍節度使

改封恭國公餘如故制

熙寧三年六月十八日

門下國家世承燕謀天祚明德乃眷祖宗之裔未正封爵之科豈朕

所以上隆尊統之風下形悖族之變肆考厥典載謀有司其盼顧冊  
之書以孚羣臣之聽皇伯祖推誠保順功臣感德軍節度使耀州管  
內觀察處置等使金紫光祿大夫檢校工部尚書使持節耀州諸軍  
事耀州刺史兼御史大夫上柱國榮國公食邑八千四百戶食實封  
二千六百戶承亮廣陵之嗣昭武之孫系出帝者之本支多開天下  
之義理安處樂善匪車服能修其心夙興奉朝雖風雨不渝其節故  
宗族仰其循則神明相之高年屬崇建於近親方按求於故壤白龍  
而右奄有土疆之長如麟之時更旌信厚之履以應古之遺法以率  
民於至仁於戲廣同姓之封大為屏藩之固親威德之世永保子孫  
之休益茂英猷尚對嘉命可

皇伯從式保康軍節度使制

熙寧四年  
七月乙酉

分王于國周以廣同姓之恩設壇於軍漢以饗上將之禮朕悖叔天

屬俄圖考成稽用龜獻之良眷言麟應之厚誕膺褒典播告治廷皇  
伯彰化軍節度觀察留後金紫光祿大夫檢校右散騎常侍使持節  
涇州諸軍事涇州刺史兼御史大夫上柱國安定郡王食邑五千五  
百戶食實封二千四百戶從式經哲秉彝體和履順閱義理之衆忱  
恂自得於性皆奉法度之中奇表不接於心術卿推朝渙奄微王封  
載惟使務之留未修宗支之麗宜崇異教越進元戎服授儀之揮華  
增苴茅之顯重敦加并賦行食戶租於錢懷王業之艱永荷祖宗之  
烈念藩翼之衛寶賴伯叔之賢維圖壯猷迄稱休命可特授依前檢  
校右散騎常侍使持節房州諸軍事房州刺史兼御史大夫安定郡  
王充保康軍節度房州管内觀察處置等使加食邑七百戶食實封  
二百戶

皇伯祖允弼授依前北海郡王加食邑實封功臣判

熙寧  
宗紀

門下朕肅膺敷命懋述先猷思所以廣嚴父之孝昭事神之道而今  
宮寢制太微嵩饗且呈祐之儀猶參百靈之從故辛亥之獻獨尊上  
帝之配相我大事時惟茂親休有寵章格於公聽具官某性資英邁  
檢履淳固天發神明之裔世資忠厚之德每伏謁禁朝還休燕室進  
退亦有常處紛華而無留心考公子之詩既協閑雅之應受王者之  
社遂荒徐郊之封維先甲大禋大宗量屬鳴佩結玉以深齋戒之思  
重賜薦席又陪陟降之恪至精以來神德陞立以統禮成詳稽典故  
之常表錫功號之美昨之多邑衍之真賦且明宗周異姓之後兼懋  
帝克九族之和於戲福祿之臨有若罔陟之固急難之儆莫如兄弟  
之懷茲庸展親其往迪訓可

宋朝大詔令集卷第四十三

宗室三

封拜三

皇伯宗瑒加恩制 郊祀

門下朕載裡紫壇先見清廟舉紫醴燎以格上帝之歆歸祚受釐以  
孚同姓之愛越教丕統中詔大廷皇伯具官宗瑒莊重醇深簡溫直  
亮傳謀異典奉徇色之珣戈視秩袞衣賜韓侯之赤舄屬我園丘之  
祀眷言伯父之賢協成宗祈預有顯助方譜均於忠衛宜肆衍於徽  
章於載對天地之休敢不恭於嚴祀推骨肉之義敢不榮於至恩其  
懋壯猷以膺寵命可

皇伯宗旦復崇信軍節度使知大宗正事如故制 熙寧八年十月二十

五日

門下法始於貴所以啟叙於羣臣恩展於親所以教叙於九族眷惟  
伯父右我王家方授俄以率官宜告廷而發號皇伯推誠保順功臣  
降授彰化軍節度觀察留後光祿大夫檢校右散騎常侍持節涇州  
諸軍事涇州刺史兼御史大夫知大宗正事上柱國天水郡開國公  
食邑七千二百戶食實封二千五百戶宗旦誠忱莊厚肅哲粹和躬  
忠義不疚之資履爵齒尊之寵游分帥間沒衍并封隱若翰藩外  
以承寧於方鎮端如圭表內以糾正於宗支隸任尊之千鍊結典刑  
而禡服屬更肆昔昔用疏榮俾還西將之嚴載撫東隨之舊齋旌故  
在詒緯惟新於戲繫骨肉之恩式孚於朕志長富貴之守當慎於爾  
終徃肩寵光以永終譽可

皇伯祖承選特授依前檢校工部尚書充保大軍節度使加

食邑食實封餘如故

熙寧十年  
二月二日

門下帝光睦族將以變黎民之和戎周尚親並以樂外侮之至永惟  
刊聖之矩參用先王之模崇建宗枝收功於作扞之際付畀齊威厥  
難於未然之前肇臨頒命之辰播告在廷之聽皇伯祖彰武軍節度  
觀察留後金紫光祿大夫檢校工部尚書使持節延州諸軍事延州  
刺史兼御史大夫上柱國開國公實色七千一百戶食實封二千六  
百戶承選范閑而識遠體莊而用周象術學以裕具心斥玩好以抗  
其志承賢王之後早聞善總之聲處留務之榮洎無負責之累終始  
一節周今十年宜旌拜於將壇用嚴莊於帥律既衍爰因之入又陪  
真戶之輸組嘉老成茲茂麗數於戲爵以德授寧資汗馬之勞國以  
宗強實賴擁旌之輔祇膺殊渥品懋壯猷可

皇伯宋誼特授依前檢校右散騎常侍充昭化軍節度使加

食邑食實封餘如故制

熙寧十年  
二月二日

門下國家若稽先王統御重器觀辭族之睦則廣敦叙之仁念周京  
之強則崇屏翰之勢故能宴衍而德澤洽維持而平功成渙發至恩  
誕敷羣聽皇伯淮康軍節度觀察留後金紫光祿大夫檢校右散騎  
常侍使持節蔡州諸軍事蔡州刺史兼御史大夫上柱國天水郡開  
國公食邑四千五百戶食實封一千五百戶宋誼智慮廣敏器懷閑  
深樂詩書浩博之求斤與服侈靡之好遠事先帝已竣康阜之榮盛  
予沖人進膺劉務之拜信厚一節載筆十周乃眷靈勞之多未加褒  
禮之渥宜圖茂烈稽合陝文轉淮西之旌旗總漢陰之節鉞既衍爰  
田之入復陪真戶之輸併旣寵光庸示優異於戲禮重伯父蓋推宗  
屬之賢史美宗英實首多聞之學勉蹈前績以迪吉祥可

皇伯祖承祿特授依前檢校工部尚書充寧武軍節度使加

食邑食實封散官勅封如故制

熙寧十年  
八月一日



門下教民睦者莫如宗族之愛安王室者必先形勢之強永惟五聖  
之撫若稽三代之制崇建屏翰付畀即託以折天下之衝以成天下  
之化皇伯祖定武軍節度觀察留後金紫光祿大夫檢校工部尚書  
使持節定州諸軍事定州刺史兼御史大夫上柱國天水郡開國公  
食邑八千二百戶食實封二千七百戶承裕器懷閑曠業履粹純孝  
发自内心的性成道術得之學力越升留務屢易歲陰有天屬之尊而處  
之不驕饗祿賜之重而守之以約籍列漢親之近望高秦邸之英宜  
進陟於帥壇俾夾隆於王業既行爰因之入燕陪真食之封公族多  
賢固如麟趾之厚元戎對掌並茂棟華之榮於戲戚而不見徒無以  
昭仁孝之美貴而不能降無以保爵祿之崇勉圖淑聲欽服休命可

皇伯宗樸進封濮陽郡王制

熙寧十年九月甲戌

朕紹帝統緒思皇本支以仁展親蓋厚蕃之術以禮合族矧惟伯

父之賢尊之歟其同於家者之歟其異於國漢發大號明號廣朝皇  
伯推誠保順翊戴功臣彰德軍節度相州管内觀察處置等使開府  
儀同三司檢校尚書左僕射同中書門下平章事使持節相州諸軍  
事相州判史上柱國濮國公食邑六千八百戶食實封一千三百戶  
宗樸行履溫恭資函信厚聞天下之誼敏而多聞求河間之書慎以  
容通肅將金帛之重參視衮衣之華德譽彌光世寵宜結是用錫左  
貂之新服兼著隆名徽磐石之舊疆且班崇爵爰田茂衍真賦載加  
無封爾邦不顯予命於戲齒膝侯以長示無周後之盟約劉氏而王  
永有漢存之國其共乃位以服朕言可特授依前檢校尚書左僕射  
兼侍中使持節相州諸軍事相州刺史彰德軍節度相州管内觀察  
處置等使進封濮陽郡王加食邑七百戶食實封四百戶

皇伯宗誼拜使相封濮國公判

熙寧十年  
十月癸巳

周用宗而強過麻之休乎於永漢以族為輔異姓之勢不能陵朕躬  
大器之承憲前王之度思進褒於尊屬俾翼衛於王家揚於大廷詔  
爾羣聽里伯昭化軍節度金州管內觀察處置等使金紫光祿大夫  
檢校右散騎常侍使持節金州諸軍事金州刺史兼御史大夫上柱  
國天水郡開國公食邑五千一百戶食實封一千七百戶宗誼質粹  
而履順居安而節和自樂詩書之聞泊無富貴之習擁鳩城之鉞已  
宣屏翰之勤考濮邸之藩益茂忠嘉之望宜膺寵數用旌師言進加  
上宰之章申錫陪京之壤有華其佩視揆路之班載叙其祈侈元戎  
之貴衍之多邑益以真封澤雖甚蕃德亦惟稱於戲迨累聖之烈知  
親親之不可忘念賢王之勲知承承之不可忽勉圖永譽以迪多祥  
可特授檢校尚書左僕射同中書門下平章事使持節金州諸軍事  
金州刺史昭化軍節度金州管內觀察處置等使封濮國公加食邑

七百戶食實封三百戶

皇伯宗暉淮康軍節度使漢國公制

元豐元年二月甲寅

聖海尚親先王未之戎改折衝授我天下所以久安春惟尊屬之賢  
蚤有皇支之譽其敦龐律以告治廷皇伯邕州管内觀察使金紫光  
祿大夫檢校右散騎常侍使持節邕州諸軍事邕州刺史兼御史大  
夫上柱國天水郡開國公食邑四千八百戶食實封一千四百戶宗  
暉器宇閑深履尚方重詩書自樂慕漢邕宗英之聞孝友夙成有濮  
園天性之愛將隆而無負貴之累祿厚而懷約己之風陞拜康寧之  
崇益增公族之重是用疇庸躋等辦域展圖付名部之整軍奉賢王  
之明祀維表及繡視上公之儀錫山與田壯元戎之寄兼陪真賦庸  
示寵章於戲親親至恩非異數無以昭其意繼繼在德維嗣訓可以  
孚于休更恢遠猷以稱茂渥可特授依前檢校右散騎常侍使持節

蔡州諸軍事蔡州刺史兼御史大夫充淮康軍節度蔡州管内觀察處置等使封濮國公加食邑七百度戶食實封二百戶

皇伯宗諤檢校司空移鎮進封豫章郡王制

元豐元年四月乙丑

為人主者廣骨肉之愛有天下者先形勢之強長萬大而易施冠二  
等以疏將大褒通屬乎告明廷皇伯推誠保德翊戴功臣集慶軍節  
度亳州管内觀察處置河隄等使開府儀同三司檢校尚書左僕射  
同中書門下平章事使持節亳州諸軍事行亳州刺史上柱國魏國  
公食邑九千一百戶食實封二千六百戶宗諤資厚體莊履和臨順  
避哉神靈之肯展矣肅哲之風風摠戎旃身愈隆而能降參紆軍執  
位益高而不危齋戒未更瑞主既告其保宏父以帥南方且寶玉之  
分于周厥親者曰伯劄土疆之制於漢其大者淮王茂國爾能玉顯  
予命既陪教於邑賦復增密於邦祖茲惟隆名不曰異寵於我母獨

斯畏翰難在於大宋豈無它人欣莫如於同姓惟懋以蕃王室惟煥  
以承天休欽哉汝諧乞若朕訓可特授司空依前同中書門下平章  
事使持節都督洪州諸軍事行洪州刺史充鎮南軍節度洪州管内  
觀察處置等使進封豫章郡王加食邑七百萬戶食實封四百戶

皇伯宗暉拜使相制

元豐二年  
七月庚辰

朕若稽前王煥東列位親賢並建所以強本支內外相維所以壯形  
勢眷我伯父是惟宗英揚於大廷詔爾羣聽皇伯淮康軍節度蔡州  
管内觀察處置等使金紫光祿大夫檢校右散騎常侍使持節蔡州  
諸軍事蔡州刺史兼御史大夫上柱國漢國公食邑五千五百戶食  
實封一千六百戶宗暉謙恭而有常德沈靜而無流心樂聞詩書多  
聞義理處易佚之地而不以居養移其性懷易盈之氣而不以留肯  
綢於人好禮得東平之風慕賢踰江夏之美淮康仗義譽望著於蕃

宣濮國奉祠勤勞見於夙夜宜甄成德丕錫殊休進聯揆路之榮增  
視宰衡之峻敷加多邑兼衍真封庸務僉言併昭異數於戲惟禮義  
可以固重祿惟忠信可以保令名勉迪善猷益隆雋望可特授檢校  
尚書左僕射同中書門下平章事使持節蔡州諸軍事蔡州刺史濮  
國公淮康軍節度蔡州管内觀察處置等使加食邑七百度食實封  
三百戶

宋朝大詔令集卷第四十四

宗室四

封拜四

皇伯宗暉進封濮陽郡王制

元豐三年四月乙酉

門下仰惟聖考入守宗祧方隆正統之承尚抑本生之報繼志述事在我後人起義稱恩昭乃先烈比嚴改柎之制底厚追崇之誠若時親賢實主禮典疇頒大號乎告群工皇伯淮康軍節度蔡州管内觀察處置等使金紫光祿大夫檢校尚書左僕射同中書門下平章事持節蔡州諸軍事蔡州刺史上柱國濮國公食邑六千二百戶食實封一千九百戶宗暉寬惠秉衷懿恭率行望隆父屬慶茂天支訓詩書而不懈於勤保祿位而不期於侈路車束馬擁節淮邦之嚴褒衣補裳承宗濮國之重迨祠園之展吉倡公族以協修襲事聿成孝心



彌篤是用進班五品增顯世封克綏前猷永奉常祀於戲疏爵錫福  
式推悖叙之仁謹度迪彝益勵靖恭之守往安警處懋對眷休可特  
授依前檢校尚書左僕射同中書門下平章事使持節蔡州諸軍事  
蔡州刺史淮康軍節度蔡州管内觀察處置等使進封濮陽郡王散  
官勳封如故主者施行

皇伯宗暉移鎮檢校司空加恩制

元豐

門下朕蒙遺休於先帝集景命於我家入居儲闈遂紹大統歲月如  
驚寤寐不忘趨謁濮宮嗟物存而人遠顧瞻伯父歎年高而德修肆  
頒顯冊之文播告治朝之聽具官某智明而忠義純博而量宏不侈  
不矯泊無負貴之累竭忠竭順居有勛忠之誨向應相紱之華已擁  
將托之重屬興懷於感慕加異數以褒榮錫以山川光紹先王之禮  
易之旌猷增嚴外間之權視秩望土之榮申衍爰田之人以華邦族

以穆氏風於戚躬歟章陵之初涕零何以還顧魯侯之壽情實惻然  
蓋茂遠猷用承涇命

皇伯宗晟安化軍節度使加恩制

元豐

門下朕紹承燕謀迪稽古訓圖化未乂時則隆睦族之風折衝未萌  
時則嘉推托之拜方進集於尊屬俾夾輔於皇家誕布徽章具敷章  
聽具官某挺身誕育德粹和系出神明之支學通儒術之博為善  
最樂蹈憲王之高風大雅不羣合河間之偉望通典懷於感慕宜錫  
命以褒優惟高密之與臣實東州之名都分以苴茅之寄付之龍節  
之嚴併示寵章兼陪多邑以屏王室以紂宗支於戲戚而不見殊無  
以著親親之意貴而不能降無以昭繼繼之休往服殊恩蓋茂成德  
皇叔宋綽建寧軍節度使加恩制

門下枝葉民蕃則異姓弱而不能間形勢強盛則諸侯懾而不敢謀

眷惟尊屬之英久修戚藩之譽肆播舊典載訪近司純揚寵章播告  
革碑具官某履和而至行敏而恭聞義理之多自得天資之厚奉法  
度之守不忘世執之循惟使鎮之居留蓋歲陰之屢易建安舊壤南  
國典臣錫之旌纛之推付以茅社之寄陪加多并申寃至恩於戲崇  
大本支周邦隆卜世之永推明道衍漢藩成後世之名佳承其休茲  
茂牧德

皇叔宗隱保信軍節度使加恩制

門下周用宗強獨高三代之脉漢以族輔外折諸侯之謀茲先王已  
試之遠猷而有國適脩之大典方褒懿屬誕布徽章具官某清明沖  
和博大博裕漢園流祉早膺世系之休文考尚親夙厚天倫之愛自  
居留穆浸易歲華屬典感慕之懷宜極褒崇之典高幢巨輅壯端節  
於中軍元氣介圭錫苴茅於西屏陪之多并衍以真封於戲親而至

踈蓋王者強宗之道滿而不溢延威藩謹度之心往服訓言益茂成烈

皇叔宗琰漢東軍節度使加恩制

門下深根而弗敢傾周邦由之安治尋斧而無所訖秦人所以孤睽朕若稽古先進循憲度思廣本文之輔以圖形勢之安乃眷近親綽有嘉德肆頒顯冊孚告大廷具官某器懷閑深資識明茂席慶大宗之後揚徽屬籍之英兼親與尊蓋若東平之貴甚文而禮早晞術武之風濱漢之區惟隨為大畀以權寵之寄錫之胙上之封中衍并朕增華邦族於載一人有慶史稱盛德之隆千載自全傳載寧侯之世往茂爾烈以輔我家

皇叔宗愈寧國軍節度使加恩制

門下王者建封親賢崇廣藩輔以恩隆殺為國重輕故辭辭角弓雅

以刺怨振振麟趾風以詠歌永惟沖人祇紹大業追監已然之迹敢  
忘悻叙之恩進寵永英肆頒顯冊具官某業履清簡冠識高閑位不  
期驕早速綺紉之習富而好禮自全藩翰之風越居留務之華屢親  
歲陰之易屬懷先烈增沛歲章惟華原之典區實西州之各部頒之  
瑞節錫以苴茅中衍上腴併昭異數於戲瞻漢國之館御慨慕無窮  
恭文考之天倫矜嗟何已往承渥命用迪多祥

皇伯宗暉加恩制

元豐六年郊

門下朕秉長至之景緝聲禋之文躬執裸圭薦鬯乎清廟夙駕齋輅  
升煙於紫壇維時近親相我熙寧肆汾渙號教告治廷具官某性資  
粹純器識忠固被之袞冕進居上宰之班錫以山川光紹先王之履  
屬舉宗祈之祀預有顯相之勞方均布於靈臺宜褒加於寵典陪之  
多邑衍以真封於戲制恭而必於郊蓋答昊天之命歸朕而受之福

其先伯父之賢益茂遠猷以承介祉

皇伯祖宗暉移充鎮南軍節度加恩制

元豐八年  
哲宗即位

門下膺國璣祚不敢忘繼繼之難扞侮折衝莫若廣親親之輔永惟  
尊屬時謂宗英宜疇衛社之勤中錫告廷之命具官某識度粹樛才  
資濬明承慶濮園富貴無危溢之累被遇先帝爵祿有褒嘉之榮接  
物以謙退身以約華表亦焉進聯上宰之班驚旂瑞戈奄宅先王之  
國屬纂承之伊始宜惇叙之有加是用易宛邱陪輔之疆錫漳水鎮  
臨之節增隆多邑中衍真田以侈維藩以昭異數於戲紹封四履允  
惟世系之光同日五王疇若天倫之盛往承渥命益茂遠猷

皇伯宗晟移彰化軍節度開府加恩制

元豐八年  
哲宗即位

門下崇建本支所以成百世之業廣強藩輔所以維四海之安矧予  
沖人獲紹大統瞻惟尊屬茲曰賢王誕因訪落之辰申錫告廷之命

具官某謙恭而勁正清明而粹純沅沔漢園被遇先帝卓為屏翰之  
表載嚴莊靜之稱董我宗盟彌得治親之誼昨之東土允符樂善之  
誠初聽覽於政機益襲隆於邦族是用易以鉞旌之鎮進之將相之  
班增衍并朕陪敦主賦於載蒙休列聖荷神茹之傳歸錫美近親投  
寶圖於嘉靖永綏厥位不其感歎

皇伯宗隱移保信軍節度開府檢校司空加恩制 同上

門下受命之君繼天而王雖禮有損益事殊質文至於崇建號親保  
安皇緒考之百世皆出一塗矧予冲人獲紹大統申襲宗戚孚詔治  
朝具官某行愿而恭履和而至閑義理之學並求光大之知循法度  
之中獨速紛華之習進提戎車之重遂疏王社之封適屬纂承理當  
尊顯是用按圖輿地易節大廷擁便鎮之鉞旌陟隆名於將相視秋  
空土衍食爰田於戲唐冊五王奕世之休孚於永漢啓九國異姓之

勢不能陵尚肩乃試以輔予治

皇伯祖宗琬移昭信軍節度開府儀同三司檢校司空制上同  
門下朕欽膺顧命復嗣寶圖肆予沖人永思艱敢忘大卞於乎皇考  
謹克孝務極丕承乃眷近支時謂尊屬稽用故常之典申嘉集序之  
文揚於明廷詔爾列辟具官某德度粹樛才猷靖深溫溫恭人之基  
兢兢當世之業宅心知訓迪康叔之善謀大雅不羣負河間之偉望  
越自將中之罷進疏王社之封屬朕承述以仁睦授易猷旌於舊履  
陟將相之隆名視恢空土之崇衍食爰田之入於載休烈盛美而歸  
之二后本周王之至懷折難成業而賴之諸侯亦漢家之遠御徃拜  
嘉命以永淑聲

皇叔祖宗勝武泰軍節度使加恩制

同上

泰變三代也則忘同姓之封周監二王也則廣懿親之輔此前古之



已試而有邦之所稽矧惟冲人嗣膺大庥善于尊屬實未宗藩其教  
顯冊之文以告治廷之聽具官某氣和而勁行愿而恭博通義理之  
方洞達國家之體廼惠廼順早揚樂善之稱不溢不危泊無負貴之  
累越留使邸屢易歲陰維繼序之云初宜疏恩之等加沂峽而邁惟  
然為雄錫之瑞節之華寵以元戎之寄中加多并增衍真封考于舊  
章時曰異數於載振振信厚有如麟趾之時粹粹光明相望棣華之  
或往承休命益茂遠猷

皇叔祖宗綽改保靜軍節度使開府儀同三司檢校司空加  
恩制 同上

門下朕以狀躬奉承大統循五聖之成憲稽百王之舊章封建親賢  
廣強藩屏以侈本支之勢以固磐維之安其敦渙恩以詔列辟具官  
某性資純厚器識淹通河間雅材久擅漢藩之譽衛叔馴行允為周

翰之良自中錫於將牙益夫隆於王室先帝感慕將疏裂壤之封沖  
人繼承敢忘尚親之典易以殲旄之寄陞之將相之班行食爰田視  
秩空土於戲行純茂而不顧異何以示人守富貴而不戰兢無以謹  
度服我嘉命益茂遠猷

宋朝大詔令集卷第四十四

宋朝大詔令集卷第四十五

宗室五

封拜五

皇叔祖宗祐寧遠軍節度使加恩制

元豐八年同

門下朕獲膺駿命肇臨庶邦銜卹宅宗惕循於祖烈折難成業寄賴於宗英方申進律之文宜布告廷之號具官某才濟茂美德度曠夷承慶濬圉允迪休明之緒被遇先帝久膺慈輔之勤自使卹之居留閨殿陰之流邁屬承祧之伊使宜錫命以有加陟以齊壇肆嚴外間之望華之金帛增固維城之安陪益爰田衍加真賦於戲無獨斯畏蓋載風人之所譏懷德惟寧茲本先王之遠憲益思遠慙以對寵光

皇叔祖宗愈移昭化軍節度使開府儀同三司制

同上

門下朕承祖宗之休履王公之上訪予落止敢忘負荷之難肆其靖

之賢賴藩維之勢眷言尊屬益出近支宜時厥勞申錫褒律具官某  
智明而意美林敏而量夷爵隆而持之以謙祿豐而守之以約時疆  
維翰已賴將聞之雄事發感懷進啓王封之重屬紹承於皇極首褒  
序於懿親是用易以鉞范陞之將相兼陪多井增衍真祖以應國之  
大章以迪古之道法於戲惟樂道可以正身娛意惟建親可以禦侮  
折衝徃其欽哉服我休命

皇叔祖宗楚建武軍節度使加恩制

元豐八年同上

門下朕蒙休先帝錫美我家欽賢命之承肇親於庶政沛大澤之博  
偏墜於皇支宜渙徽章以字羣聽具官某材資敏茂識度曠夷越承  
濮邸之休寢被先朝之遇優游學海益窮義理之聞表率宗藩斥遠  
驕華之習自居留務屢易歲陰肆朕承祧以時叙族是用應近古之  
法按輿地之圖就頒齊戒之雅徃總九戎之寄申陪多井併示殊私

於戲周建本支史氏書其邁歷漢製疆土議臣諭之雋金龍地壯猷  
各揚休命

皇伯祖宗最加恩制

元祐元年  
明堂

門下朕承季秋之序祥告禮之文肇祀昊穹陟配文考神歆如荅嘏  
告厥祥維時近親翼我大事肆頒寵典敷告治朝具官某德度粹夷  
材資茂敏襲世緒而能濟其美處勢榮而益持以謙越自董正宗盟  
進膺封爵考閱義理有古賢王之風悖叙本支為時懿戚之冠屬奉  
宗祈之典實多顯相之勞既齋明以陪真館之祠又陟降以贊合宮  
之薦中加異數增衍本封於戲德厚者流光禮感者文綽執圭幣以  
事上帝茲曰鉅儀歸朕膳以友諸侯敢忘尊屬往應介福益保隆名

皇伯祖宗暉加恩制

元祐元年  
明堂

門下朕祇邁舊章肇稱吉禮以承天者祭之所重故將三歲之祠嚴

父者孝之所先故度九筵之制蓋禮行而精意達恩厚而多枯疎方  
泉庶位之勞宜首懿親之獎具官某德性莊重才猷靖深錫山與田  
奄紹先王之國維衮及黼進華上宰之章屬此宗祈相於鉅典陪薦  
遷於真館參獻榮於合宮宜時厥勞多錫之邑以強屏翰以託宗支  
於載送三神之隆茲實太平之盛歌大雅之詠敢忘尊屬之賢往協  
榮懷益思勵翼

皇叔祖宗楚加恩制

元祐九年  
明堂

門下朕躬執珪幣祇見帝親惕然履霜敢忽忘於前烈沛然下澤恩  
蒙被於東方惟時近親翼我大祀宜頒惠術以詔羣倫具官某國之  
懿親朕之尊屬維屏維翰無懈宗子之詩不溢不危能謹諸侯之度  
自擁旄於南國遂疏爵於邪山屬修薦龜之誠實賴率璋之助多錫  
之邑用時厥勞於載格三神之歆方復成於鉅典均四海之澤宜褒

厚於宗藩往承之休益輔予治

皇叔祖宗綽加恩制

元祐元年明堂

門下朕肇稱元祀躬享總章嚴父配天將以答三靈之眚因親救變所以形四國之風廼眷宗藩賢陪熙事宜頒孚號播告治朝具官某冠度閔深業履端重承慶大宗之後揚徽屬籍之間英祖御邦最厚天倫之愛先皇睦族亟膺王爵之封位隆而將之以恭祿厚而守之以約屬修宗祀之典實相我將之勤宜厚褒嘉用昭惇序俾食大部之賦兼陪真邑之封以侈蕃釐以彰異數於戲帝親庶饗大虞禮樂之末明賢戚並隆賢賴本支之為輔益肩忠順往承寵靈

皇叔祖宗祐加恩制

元祐元年明堂

門下朕紹膺洪緒祗遵先猷惟至神無方非宗祀無以明其報惟與德在上非昭報無以極其誠涓選肅霜之辰躬修大饗之禮肆頒寵

典首登鏡觀具官某性愚而和材明而敏保寵無驕溢之累造行有  
忠嘉之稱屏翰王家擁南邦之旌猷帥循侯度啟洛邑之山川逮此  
休成寶資顯相方均敷於惠術宜褒進於寵名增厚宗盟陪敦井賦  
於戲神靈享而萬物輯豈朕敢專本支強而百世寧遲爾為輔嘉樂  
厥福永孚于休

皇叔祖宗瑗加恩制

元祐元年  
明堂

門下朕祇用舊章躬修宗祀執圭展采所以拜上帝之休侑食致嚴  
所以儀昭考之列孝奏而精意運靈游而多祐臻乃眷宗藩宜膺異  
數具官某體和履順經哲秉彝得求義理之聞獨遠紛華之習持循  
侯度協麟趾之振振屏翰王家明棣華之輝輝屬消剛日來對工儀  
恭駕約軼來承大韜方肆均於靈貺宜進被於寵章申衍爰田增陪  
真賦於戲四海各來助祭百官肅然薰心接神者既竭於精誠睦族



者敢忘於惠術往承休命益茂壯猷

皇叔禮宗隱加恩制

門下朕制六經之制躬三歲之祠莫寧琳宮將以迎至神之既執圭  
陽館所以企上帝之臨奉承閑休教錫庶位肆頒明命先獎近親具  
宮某屏翰之賢宗戚之望推託帥路常折難於未然受冊王家益協  
恭而不懈寵榮滋至謙恣漫聞屬輯百王之文躬修九室之祀迄由  
顯相用底思成衍食爰田陪輸真戶於茲禮樂明備以遂三神之登  
茂業扶疎茲為萬世之策往膺異數永介多祥

皇叔祖宗愈加恩制

元祐元年

門下孝莫大於嚴父惟至誠可以格神禮莫重於配天惟威德為能  
侑食朕荷孫謀之燕翼緝鉅典以成休養惟尊屬之賢時為戚藩之  
表咸預齊祓宜均福休具官某器宇曠夷性懷信厚日惟義理之學

居有忠孝之聞循法度以養其心無驕侈以易其介被濮園之變早蒙枝葉之榮啓華原之封益致盤維之輔方奉辭職之享進陪振鷺之班均錫藩蔭階數多并於載禮或首儀綽本大者末闕誰其配之是為烈考於穆不已無愧文王往承之休益揚厥問

皇伯祖前彰化節度判大宗正事宗晟起復制

門下曾閔之哀喪不貳事漢唐之舊禮有奪情矧予藩屏之親資兼臣子之重雖閨門以恩掩義而公侯以國為家伯臣司宗職不可曠要經服事古有成言非予爾私其聽朕命皇伯祖前彰化軍節度涇州管内觀察處置等檢校司空開府儀同三司持節涇州諸軍事使涇州刺史判大宗正事上柱國高密郡王食邑七千八百戶食實封一千四百戶宗晟天資純茂德履方嚴龍餘慶於祖宗蹈格言於師保典司屬籍克有令名邦客卒業於浮邱辟疆受知於高帝允隆厥

位無愧昔人屬此閑幽累然較齊嗟日月之愈邁重職業之久虛宜  
復罷名式從權制於戲出居官次非王事不該退適倚廬循喪祭之  
禮則忠孝兩得人無間言功名益隆親有顯譽冠服朕到光昭前聞  
可特復起

皇伯祖宗暉加恩制

門下宗祀配天所以教諸侯之孝加地進律所以廣上帝之恩矧維  
天屬之尊世奉濮園之享相子肆祀綏我思成躬率父兄之和以致  
天人之應用教大統昭告治朝皇伯祖鎮南軍節度洪州管内觀察  
處置等使檢校司徒開府儀同三司持節都督洪州諸軍事洪州刺  
史上柱國嗣濮王食邑二萬一千一百戶食實封三千七百戶宗暉  
爵封世王名冠屬籍貴而能降富而不驕孝悌肅恭率本天姿之懿  
威儀則學承師訓之良同我絜齋獻於饋熟進退知於禮節升降

比於崇章遠此休成宜均多福益衍舊封之廣仍加真食之優於載  
承安懿之後思繼前人之令猷兼將相之隆勉圖夾輔之休烈茲因  
受爵之寵益起循牆之恭庶無間然克有終譽可特授依前檢校司  
徒開府儀同三司持節都督洪州諸軍事洪州刺史副漢王充鎮南  
軍節度洪州管内觀察處置等使加食邑一千戶實封三百戶勲如  
故

宋朝大詔令集卷第四十六

宗室六

封拜六

皇叔祖宗祐加恩制

門下朕出款原廟之嚴入謁總章之祕師臣外帥多子以靖吾國宗  
卿內帥諸父以正吾家親賢既和天人咸若膺受多福施及四方矧  
惟族屬之尊宜有寵光之異皇叔祖寧遠軍節度容州管内觀察處  
置等使持節容州諸軍事容州刺史上柱國華國公食邑五十八百  
戶食實封一千六百戶宗祐耻為富貴之習動由禮義之中祇順父  
兄親近師友肅若閨門之治穆然朝謁之容東施絨而四方之志行  
錫茅土而諸侯之禮備遠鎮容管近殿洛師處之苦無久而益慎爰  
推大賚之澤益彰有德之榮增衍故封懋錫真食於戲考之晉人則

安平之於武帝求之唐室則元嘉之於高宗皆以德重屬高恩隆禮  
異往祇服於明命思無愧於古人可特授依前持節容州諸軍事容  
州刺史犂國公充寧遠軍節度容州管内觀察處置等使加食邑七  
百戶食實封二百戶勲如故

皇叔祖宗楚加恩制

元祐四年  
宋紀

門下漢封同姓之國勢遂疎於本朝唐任宗室之隆用每離於他族  
祖宗酌古今之典篤兄弟之親雖極茅土之封常居朝謁之地齊禮  
特異前世莫倫皇叔祖建武軍節度邕州管内觀察處置等使持節  
邕州諸軍事邕州刺史上柱國鄆國公食邑五千八百戶食實封一  
千六百戶宗楚孝友根心文藝飾性居處恭故不聞過行室家理故  
可以蒞官師保不煩朋友稱信乃者顯相原廟之祀齋宿總章之廷  
祇假無言質明成禮頌惟大壽之澤宜處羣臣之先益衍故封陪敦

真食於職宗祀之典所以敦孝於諸侯賜胙之恩所以均福於上帝  
城觀禮以知義尚修身而保終祇服罷光永有然譽可特授依前持  
節邕州諸軍事邕州刺史鄒國公克建武軍節度使邕州管内觀察  
處置等使加食邑七百戶食實封二百戶勅如故

皇叔祖建雄留後宗景建節判

元祐七年十月乙卯

門下敕叔九族之親虞朝所以勵翼大封同姓之國周室所以威強  
迭觀屏翰之謀必重本支之正用修顯命敕告治廷皇叔祖建雄軍  
節度觀察留後持節晉州諸軍事晉州刺史同知大宗正事上柱國  
天水郡開國公食邑六千三百戶食實封一千八百戶宗景度傳有  
容心莊先畏守爵以謙而無驕貴之累享祿以約而無侈富之非儀  
刑公族之忠左右時雍之睦更聞天下之理善推門內之恩眷惟近  
屬之尊宜昭樂善之勸乃置常遠之典特施優拜之榮總感德之全

師易平陽之留務雖專持於齊城復佐於宗藩衍食并封侯居將  
閫駢蕃異數烜赫隆名於殿寵至者位危官久者任實惟始卒一操  
可以居寵惟夙夜一慮可以宿官欽服茂恩以永終譽可持授侍郎  
權州諸軍事權州刺史同知大宗正事充感德軍節度權州管内觀  
察處置等使加食邑五百戶食實封二百戶勲如故

皇伯祖宗晟特授檢校司徒依前開府儀同三司判大宗正  
司事充武安軍節度使進封嗣濮王加食邑食實封勲如故  
門下直杜受封所以大戚藩之形勢加地進律所以即侈閫之光華  
况於襲爵王家典祀園廟宜褒施於異數以教告於大廷皇伯祖彰  
化軍節度涇州管内觀察處置等使檢校司空開府儀同三司持節  
涇州諸軍事涇州刺史判大宗正事上柱國高密郡王食邑八十八  
百戶食實封二千七百戶宗晟誠忱自將業履無爽裔於神明之胄



躬有甫乂之資循法度之守而靡愆於中聞義理之多而能識其要  
地兼將相而不忘於謙挹富有榮祿而無陷於驕奢選諸近屬之尊  
董我大宗之秩靖恭厥位治辦有聞顧祇奉於燕嘗益推先於師臚  
昨之以先王之賜履寵之以平楚之中權視秩上公增陪真賦豈惟  
丕承文祖之道志抑以率循烈考之舊章於戲繼世象賢既蒙休於  
餘澤追養致敬當盡志於孝思益圖令名尚介多祉可

皇叔祖宗景特授檢校司空持節曹州諸軍事曹州刺史同  
知大宗正事充彰信軍節度曹州管内觀察處置等使加食

邑食資封勳如故制

紹聖元年十一月十四日壬午

門下朕嗣膺駿命祇遵先猷糾合懿親所以成信厚之化推崇近屬  
所以醇率表之勞乃眷宗英特頒異數夙涓良日敷告治廷具官某  
德度恭克才猷博大出神明之宵裔而躬履臨於謙和保公侯之世

家而不編益於富貴端莊朝路雖寒暑以度脩廟謹官常格親疏而  
無間惟爾公族統于太宗惇叙訓齊極宏規於文祖選掄委遇被隆  
養於先朝終始十春瞻恭爾志顧旌勤舊誕舉典章俾加拜於上公益  
內達於巨鎮陪敦并賦衍食真封併示顯膺貳昭體貌於載加地進  
律非以私親樂侮折衡是惟報國並循制節永底壽康惟時老成無  
待多訓可

皇叔祖宗愈特授檢校司徒依前開府儀同三司充鎮安軍

節度陳州管内觀察處置等使進封嗣濮王加食邑食實封

勅如故制

起聖二年  
四月六日

門下唐光睦族用於變於時雍周室大封以填臨於天下眷惟近屬  
世襲真封祇遵先猷偏逮諸子乃涓吉日播告大廷皇叔祖寧國軍  
節度宣州管内觀察處置等使檢校司空開府儀同三司持節宣州

諸軍事宣州刺史上柱國華原郡王食邑九千八百戶食實封三千戶宗愈肅父不疵溫良有裕生高明之胄系而弗汰於貴驕蹈德性之中和亦動遵於法守惟即園而建廟本繼世以象賢紀念懿親典司祀事非止次升之有序亦惟德選之允諧用是崇進上公侯臨近鎮陪敦真食增衍戶封於戲相樂土於楚郊視官聯於政路膺茲儀物屬我親賢勉致力於奉承諒弗煩於訓誡可

皇叔祖宗楚持校檢校司空光武勝軍節度使加食邑實封

勳如故制

紹聖二年四月二十二日

門下朕縉紹玉圖昌隆成業外崇恭獻內睦懿親積日累勞加地進律率循太卞敦告治廷具官某寬靜毅和慈良肅怡襲賢王之華胄則居貴而不流守維城之善藩則處位而彌恪肅從賓贊淹恩華戚罔貽尤違益彰冲挹雖靖恭之守無寒暑燥濕之移而褒崇之科有

親賢德齒之稱是用視秩空土徙節南陽衍食爰田陪敦真賦併為異數且體茂恩於戲無忝所生以蹈聖經之誠秉德陪朕益隆繼世之休可

皇叔祖宗祐特授檢校司空充橫海軍節度使加食邑食實封勳如故制

門下朕尊祖敬宗右賢左戚其褒崇於近屬悉備用於至公圖惟積勞稽參陳典涓茲良日告爾在廷具官某體備中和才膺肅乂出神明之胄而躬愷悌之資襲王公之封而寡沉疴之遇冲靖無懈寬裕自持擁髦節者十年守恭寬之一德居勤為善之樂動符閔理之多是用視秩上公徙臨近鎮益敦并賦陪衍真封服我殊恩併為異數於戲親賢並建國家所以休明富貴不驕杜援所以長久矧我成德無待訓詞可

皇叔祖宗景特授依前檢校司空開府儀同三司判大宗正  
事充彰信軍節度使持封濟陰郡王加食邑食實封如故  
制紹聖二年八月口日

門下金印盤綬冠三事之崇階渠門赤旗開百里之成國道膺盛典  
時屬親賢涓日之良揚廷以告皇叔祖宗彰信軍節度曹州管内觀察  
處置等使檢校司空持節曹州諸軍事曹州刺史知大宗正事上柱  
國天水郡開國公食邑八千戶食實封二十四百戶宗景謙虛敦大  
寬裕靜莊襲慶善於高門而無充訕之過總訓齊於屬藉而躬表率  
之勞既法立於閭闔宜職修於國族睦是懿戚迄無間言勝其宿官  
已更進律索於專任益懋寵光是用超二等以疏封憲萬邦而作弼  
敦陪并賦衍食真封於戲德爵之高既莫尊於近屬將相之重益益  
壯於宗藩祇率履祥愈隆受祉願惟成德無待訓詞可

皇叔祖宗碑特授檢校司徒依前開府儀同三司持節孟州

諸軍事充河陽三城節度使進封嗣漢王加食邑實封勳食

如故制

昭聖二年九月己亥襲封

門下朕祇遵先猷務敦孝治本篤親而重祀肆進律以疏封襲乃故  
邦用推崇於烈祖邁逮諸子考盛典於先朝茂建宗英誕敷優策洎  
茲吉日告於治廷皇叔祖保靜軍節度宿州管内觀察處置河堤等  
使檢校司空開府儀同三司持節宿州諸軍事宿州刺史上柱國建  
安郡王食邑八千八百戶食實封二千四百戶宗綽性守中和天資明  
晤恪從賓贊循法度以無違陪藩宣惠謙恭而有裕繁國廟之建  
嗣用天倫以次升惟我賢王並諧與議是用大荒賜履褒進上公增  
衍戶封數陪真食於戲分茅並土修宗子之大封繼世家賢修先王  
之常祀益祗乃事無怙於盈可

皇叔祖宗祐加恩制

紹聖二年九月明堂

門下朕躬執珪幣並饗帝親式德莫愆其膺祖賚之福在宋載考肆有褒嘉之恩播告迨朝咸聽朕命皇叔祖橫海軍節度滄州管内觀察處置等使檢校司空持節滄州諸軍事滄州刺史上柱國華國公食邑七千七百戶食實封二千二百戶宗祐齊莊自表信厚不渝出神明之胄而無佞貴之心兼將德之尊而有勞謙之聞並受帝祔克蕃王家屬類奉璋之祚以承祀事眷言授鉞之將乃在宗盟逮此宗成中之寵獎用酬多邑增衍本封於戲不謏不危所以謹諸侯之度乃順乃惠所以觀前人之光佐哉惟休是以有鑒可

宋朝大詔令集卷第四十六

宋朝大詔令集卷第四十七

宗室七

封拜七

皇叔祖宗綽加恩制

紹聖二年九月明堂

門下朕順考典章肅恭明祀益紹隆於先軌重祗恪於孝思躬即合  
宮邁昭嚴父禮成獻饗澤被臣工播告在廷敷揚成命皇叔祖河陽  
三城節度孟州管内觀察處置河堤等使檢校司徒開府儀同三司  
持節孟州諸軍事孟州刺史上柱國嗣濮王食邑九千五百戶食實  
封二千七百戶宗綽秉德純厚賦性強明蚤緣近屬以殿藩重繫世  
封而奉祀富而好禮居無尤詘之尤恭而不驕雅有中和之守是為  
茂器見譽咸藩方慶澤之流行宜親賢之守及增衍戶賦進食真封  
益壯戎昭用嚴藩衛於載本支並茂見帝室之蕃昌鄂附相輝猷三



門之襲慶益祇寵渥永底壽康可

皇叔祖宗景加恩制 同上

門下朕祇奉寶圖肅恭盛祀消選教旦展成禮於合宮昭格明靈俯  
嚴親於上帝忱恂旁達既施下臨惟時湛恩用先近屬教揚大猷布  
告治廷皇叔祖彰信軍節度曹州管内觀察處置等使檢校司空開  
府儀同三司持節曹州諸軍事曹州刺史判大宗正事上柱國濟陰  
郡王食邑八千五百戶食實封二千六百戶宗景瓌琇宏材中和德  
性動惟絜矩宣義問於宗支率以教和久訓齊於公姓奉祠惟恪嚴  
事有勞方茲慶澤之流矧在親賢之右進陪戶賦衍食真封事雖考  
於彝章情益隆於異數於載位望之重固素履之不渝祉福之多宜  
明神之所相益期康靖永翊丕平可

皇叔祖宗楚加恩制

紹聖二年九月  
二十四日 同上

門下吉禮之屬惟祀以居先嚴父之文亦配天而為大朕遵先  
典躬造總章成禮告成慶賜交舉顧茲進律首及近藩布告治廷教  
揚大號皇叔祖武勝軍節度鄧州管内觀察處置等使檢校司空持  
節鄧州諸軍事鄧州刺史上柱國鄧國公食邑七千七百戶食實封  
二千二百戶宗楚珪璋美質杞梓成材分支派於天潢壯藩宣於王  
室勵履貴戚而弗至於尤遵躬行謙勤而益敦於孝悌謹爾侯度為  
時宗英方茲渙汗之行宜在晉康之典載嘯并賦增衍真封於戲為  
親之恩不論於稱代崇貴之義亦在於戒盈順保福隆益隆壽祀可  
皇叔祖宗楚除開府儀同三司進封南陽郡王制紹聖三年二月壬午  
門下朕若昔大猷紹隆丕構自我烈祖入承累聖之基肆其先王克  
有分濮之社載考大宗之籍未加諸子之封義所當隆恩宜有稱其  
孚大號以詔庶官皇叔祖武勝軍節度鄧州管内觀察處置等使檢

校司空鄆國公食邑八千四百戶食實封二十四百戶宗楚信厚積  
中脩莊地已年彌高而有柔嘉之則屬最近而無充訕之心已秉節  
於將壇未徹雖於王土稽用屏周之義申加輔漢之藩荒南陽之大  
邦即武勝之舊履有莘上公之象有淑元戎之旂敦厥井封班之宰  
席蓋師言之我錫非朕志之汝私於戲惟修身則可以觀前人之光  
惟制節則可以謹諸侯之度性服朕命永孚于休可特授依前檢校  
司空開府儀同三司持節鄆州諸軍事鄆州刺史充武勝軍節度鄆  
州管内觀察處置等使進封南陽郡王加食邑五百戶食實封二百  
戶

皇叔祖宗祐除開府儀同三司封景城郡王制

同上

門下有天下者得盡其貴貴之思立人道者必致其親親之義考大  
宗之近戚眷烈祖之同生咨爾庶官申施朕命皇叔祖橫海軍節度

滄州管內觀察處置等使檢校司空畢國公食邑八千四百戶食實  
封二千四百戶宗祐修身時敏作德日休服大雅之不羣知為善之  
最樂保爵祿之貴而不溢出神明之胄而不驕屬近而行尊年高而  
德邵已備登壇之拜未加裂土之封蓋將何以對前人之休亦非所  
以厚同姓之孚因其舊履錫以命書衣衣繡裳班於上宰莛茅社土  
王此大邦於戲崇德象賢所以固宗盟制節謹度所以蕃王室往綏  
厥位尚遠乃猷可特授依前檢校司空開府儀同三司持節滄州諸  
軍事滄州刺史充橫海軍節度滄州管內觀察處置等使進封景城  
郡王加食邑五百戶食實封二百戶

皇叔祖宗楚封嗣濮王制

紹聖三年  
二月乙亥

廣因心之教者莫大於親親善述人之事者莫大於繼繼昔我文祖  
當推本於所生肆予沖人其克綏於厥後申加明命播告治朝皇叔

祖武勝軍節度鄆州管内觀察處判等使檢校司空開府儀同三司  
南陽郡王食邑八千九百戶食實封二千六百戶宗楚履順居謙東  
猷延吉身修而多義理之閥屬近而有法度之儲是皆公族之宮建  
邦而啓上庠紹大宗之裔繼世以象賢徽以武昌之疆賜之濮國之  
履參官將相列爵公王為龍為光率舊章於昭考我將我享承祀事  
於先王於戰惟祗乃心所以不期於驕惟慎厥終所以長守於貴庶  
有解於永世以無忝於前人可特授司校司徒依前開府儀同三司  
持節鄆州諸軍事鄆州刺史充武昌軍節度鄆州管内觀察處置等  
使進封嗣濮王加食邑七百戶食實封三百戶仍令所司擇日備禮  
冊命

皇叔祖宗祐除檢校司徒依前開府儀同三司充清海軍節  
度使進封嗣濮王加食邑實封如故制

紹聖四年八月二十四日

門下朕荷上穹之眷承累聖之基表正萬邦惇叙九族自予皇祖入  
嗣統於大宗肆爾先王肇建邦於有濮偏遠諸子厥惟殊恩載詠象  
德之賢誕布賜廷之命皇叔祖橫海軍節度滄州管内觀察處置等  
使檢校司空開府儀同三司持節滄州諸軍事滄州刺史上柱國景  
城郡王食邑八千九百戶食實封二千六百戶宗祐溫仁而寡逆夷  
粹而有容行克謹而惟禮樂之修年彌高而多義理之閱光輝屬藉  
誰並宗英之遊儀表戚藩久隆耆俊之望俾裝封於大國爰視秩於  
上公遂荒南海之圻盡賜先君之履駝鈕盤綬授禮極真王之崇豹尾  
神旗任總元戎之重中衍爰田之賦陪敦真食之翰革是罷章發為  
渙渥以懋昭於乃德用煥燿于而家非朕汝私寶國舊典於戲無念  
爾祖繼恭靖之後而彌昌追配前人奉安懿之祠而勿替尚肩慶基  
茂對龍光可

皇叔祖宗漢特授開府儀同三司光昭化軍節度使改封安  
康郡王加食邑食實封勳如故制

門下夫克明其德克睦族而變時難慎修其身舜悖宗而明勵翼蓋  
正其家者必先諸己篤其愛者必始於親朕眷禮庶工推先同姓永  
惟安懿之後實嗣漢陽之封統焉諸孤存者無幾矧家聯於宗屬獨  
未建於高牙載惻予懷肆頒顯命皇叔祖保寧軍節度觀察留後持  
節婺州諸軍事婺州刺史上柱國東陽郡王食邑四千戶食實封一  
千戶宗漢溫恭而迪德莊重而秉彝為宗室之表儀聞天下之義理  
本支孫子系神明之胄而無驕室家君王席富貴之資而不溫爰疇  
碩望申錫殊榮越從留務之崇璫拜元戎之重班於冢弼秩以真王  
衍食教封加地進律並推渥洽增煥麗光以慰文考優異近族之心  
以稱沖人追崇先烈之意是循彝訓允務師言於載磐石之宗子弟

有犬牙之地關雎之應公族如麟趾之時尚迪令猷永綏吉祿可

皇叔祖宗景持校依前檢校司空復開府儀同三司濟陰郡王勣食邑食實封如故制

門下立受惟親者所以睦族宥過無大者所以廣恩惟時宗藩久罹  
邦憲錫以寵命揚于治廷皇叔祖彰信軍節度管内觀察處置等使  
檢校司空持節曹州諸軍事曹州刺史上柱國濟陰郡王食邑九千  
五百戶食實封二千九百戶宋景復留貴之資出神明之胄頃偶達  
於禮分遂自習於簡書幾年於茲在法當叙嘉乃省循之行用申敦  
睦之情金鉞齋旄仍昇將牙之舊繡囊赤黑復參公族之華蓋將榮  
骨肉之恩底以厚枝葉之庇於戲親親者義必盡法有三宥之恩首  
肯者禮必隆恩無一著之廢任共爾位尚慎厥終可

皇叔祖宗漢持校檢校司空依前開府儀同三司元彰德軍



節度使進封嗣漢王加食邑食實封如故制

門下夫建邦啓土國家所以廣親親之仁崇德象賢先王所以終繼  
繼之義克紹大宗之裔若時尊屬之良我有渙恩播於羣德皇叔祖  
昭化軍節度金州管内觀察處置等使開府儀同三司持節金州諸  
軍事金州刺史上柱國安康郡王食邑四千五百戶食實封一千二  
百戶宗漢抱䟽通之識躬膚敏之才席貴富而惟圖書之哀居戚近  
而遠綺純之習昔在文祖寔隆李弟之懷逮於先朝尤嘉諸父之教  
屬有建菑之祥越躋開府之崇方且祗奉寢園虔共時祀宜極褒嘉  
之典以申優異心之其仍上將之班遂賜先君之履微口濮上換節  
相臺碑襲慶於王家復參華於台路陪之真食衍以多田徃并服於  
寵光庶克修於績享於戲遍逮諸子朕惟遵貽考之模保故有封爾  
尚爲前人之烈勉綏燕譽益懋誠勤可

宋朝大詔令集卷第四十七

宋朝大詔令集卷四十二